

SINULO, KAUHANYO YABU

KETALIZOHO KALULO YA I



Ni itumezi hahulu, Muzwale Neville. Mulena aku fuyole, muzwale waka.

² Ki kakusasana, balikani. Ki tabo kakusasana cwana, lithonolo, kamba kolo yende, Ni lukela kubulela cwalo, fa kukutela mwa tabernakele mo hape ni kuba ni nako ye lukisizwe ye yakuba ni sebelezo ni Linzwi la Mulena. Ni lumela kuli ne ku bulezwi nako yeñwi kuli, “Ne ni tabezi hane ba lu bulelezi kuli, ‘Haluyeni kwa ndu ya Mulena.’” Kuba ni Muzwale Neville hape, ni balikani bahesu babande ni balikani babande.

³ Mi Ni sepa kuli kwa bata nyana, kamba ku futumala nyana kwa mulaho kwani. Mi luna ni, Na sepa, lifukiso za moya zeñwi zelukona kuitusisa ka mazoho a hao neku *le*. Haiba—haiba . . . luna ni lifukiso za moya haiba mu na ni mata, kacwalo muzwelepili fela ku li fukisa. Kamba, neluna ni zona kwa mulaho kwanu, Ni sepa ba sa na ni zona. Ni bona babañwi babasweli kuitusisa libuka za lipina ni zeñwi cwalo. Mi ki . . . nto iliñwi ye lu lika kuba ni lisebelezo ka yona, ki kupicuka libaka ze—ze cisa ze mwa linako zetaha. Kacwalo lu . . . Kona ha luli mo kakusasana cwana, ka kufitelela libaka zani. Mi nto fela iliñwi yekona kueza cwalo, ani ki Mali a Mulena luna Jesu Kreste aeza cwalo.

⁴ Mi Ne ni tabezi hahulu ka kuutwa piho yende ya keleke, ka mo isweli kuzwelapili, inze izamaya ni Mulena, ni ka mo Mulimu asweli kubeleka ni mina ka limpo za moya. Mi luli Ni itumela hahulu ku Mulimu ka lipilu za mina ze sepahala kuli Akone kuikambota ni zona, mi ni sepa hande kuli Uka mi beya handende ka swanelo fahala Nzila yenamile yani, kuli hamuna kuya kwa silyo kamba kwa nzohoto kukeluha ku Yona.

⁵ Mi Ni bata kuitumela ku Muzwale Colvin ni mwana hae wa musizana, Na lumela neli yena, fani neli fahalimu fa mizuzu nyana yefitile yana opezi pina yani, *Hakuna Miyoko Mwa Lihalimu*. Zeo ki zende. Na itumela luli ka zona.

⁶ Mi sina Muzwale Neville hana bulezi ka yena ni Na myaha yefitile, mi Ni kona kubulela cwalo ka Muzwale Colvin, lu zibani hala lilimo. Ni ku mu utwa ha opela lipina za kale za Evangeli zani ni kuhuliseza bana bahae mwa nzila ya Mulena, zeo luli ki lico za pilu yaka. Si ni utwisa tabo ka kuziba kuli Mulimu u sa na ni sicaba se si Mu lata ni ku Mu tokomela. Mi lu itumezi ka seo.

⁷ Cwale, kuzwa ha Ni kuta, Ni utwa kuli babañata ba kolobelizwe mwa Tumelo, mi lu tabile hahulu ka seo. Ni bona

mulikana ka yomunde, Muzwale Elmer Gabehart kwa mulaho kwani. Ni utwisisa kuli u kolobelizwe cwanofu fa mwa Tumelo, mi luli Ni itumezi hahulu ka seo. Seo si eza kuli sicaba sa bazumi bahesu mwa Kentucky si itukise, ku icemela fela kihona, nji cwani?

⁸ Na hupula (Mi Ni ziba kuli Rodney wa ni teezeza kwa mulaho mwa muzuzu, haiba uinezi kwa mulaho kwani, mi Charlie uinzi fapila ka.) hane lu yanga teni kwani. Bashimani kaufela ne ba tabelanga kuli, “Kihande, ki tumale,” ne ba shimbanga to tu likani fela haiba ne ba ka tu fumana. Mi Na kala kuambola ni bona kono zani ne li si ka luka. Konakuli cwale bana . . . sikwata kaufela se si bakuli mi Ni sepa kuli lu ka tutela fela kwa sibaka sesitatama ni ku ba tusa hande kwani. Zeo likaba fela hande.

⁹ Kacwalo Na linako zeñwi ni talimanga fafasi, sina mukutazi kaufela, mwa nzila ye mu zamaile ka yona, mi mwa komoka kaza—kaza lika, zeo hase—hase mu cezi Peu.

¹⁰ Mina . . . buñata bwa mina mwa ziba hande peu yebizwa Johnny Applesseed mwa . . . ya America. Kiñi, nekuna ni hape mu—mu muuna mwa Sweden yana talimwa inge nto yecwalo, ka ku cala lipalisa kwa hae. Mi ba bulela kuli kona ha kuna ni mapalisa amande hahulu mwa Sweden cwale, mi kakuli ne ba cezi lipalisa zende, kaufela kwa na fumana sibaka sa mubu omunde o no kona kumelisa lipalisa zani. Na lata hahulu lipalisa kacwalo na hasaka fela lipalisa kai i kai. U timezi kale kono lipalisa za hae li sa pila.

Mi lifu li lu siyelanga
Mitala fa mashabati a nako;
Mitala, kuli mwendi babañwi,
Halunze lu sila katata mwa buliba bwa bupilo,
Muzwale yasina tabo ya tibezi ki sisepe,
Ka kubona, u ka tiya lipilu hape.

¹¹ Mi seo kona se lu tabela kubona kaufela, kuli sika se lu ezize se si ka tisa babañwi ku—ku fumana tuso ka se liezize.

¹² Mazazi nyana afitile ne Ni inzi, inge ni ambola ni mulikana ka yomunyinyani wa likute kwanu mwa tolopo, mualafi wa milyani, Sam Adair. Mi ki hali, “U zuha cwani, Bill?”

¹³ Mi se Nili, “Oh, handende fela, Ni iketile, Doc.” Se nili; “Wena ucwani?”

¹⁴ Mi ki hali, “Oh, nina ni bakuli babañata.” Ali, “Ne nina ni litaba ze fifitini musihali woo.”

¹⁵ Na li, “Kihande, zende ki zende haibile fela ki litatubo ze si na matuku ku zona.” Se nili, “Mwa ziba, ki . . .” Ne lu zweli kuambola za kwa mulaho hane luli bashimani. Mi se Nili, “Kihande, Doc, ha Ni zibi kuli kuka liyeha nako yekuma kai. Sibeli sa luna lu mwa myaha ye mashumi a ketalizoho.”

Mi ki hali, “Yeo ki niti, Bill.”

16 Mi se Nili, “Kono myaha ye kaufela, mwendi seli myaha ye mashumi amalalu ni ulimuñwi ya bulumiwa cwale, Ni bulukile pilu yaka kulibelega hola Ya taha yani. Kacwalo hakuna taba nako Ya taha.”

Kacwalo ki hali, “Yeo ki niti.”

Se nili, “Taba yetuna hahulu ku ze Ni nani ki kupilela babañwi.”

17 Mi ki hali, “Seo kona bupilo buli sona, si eza bupilo kuba bwa luli, ki fo ha u . . . isiñi so kona kueza kamba ku ikonela isali wena, kono ki so kona kuezeza babañwi.”

18 Mwabona, foo kona fo mu pila luli. Mi haiba kuba kuli kuna ni yomuñwi mwahala luna ya si ka eza kale cwalo, ya likile kupilela mutu yomuñwi fela, lika kueza cwalo, mu ubone fela kuli bupilo buna ni zekuma kai hausike kupila kakuli kiñi zo kona kuipumanela mwa bupilo unosi haiba hakuna zo fa mwa bupilo. Mi mu ka fumana kuli ki fuyolo yetuna hahulu kufita sifumu kamba sika kaufela sa . . . ze kona ku hupulwa. Ki zo kona kuezeza mutu kuli mutiyo u be bubebe. . . Zeo, mane bupilo ka bona fela ki mutiyo. Mi li ka ba bubebe nyana ku yomuñwi. Ha mu zibi fela tabo yateni konji ha se mulikile neba hañwi, ku ezeza mutu yomuñwi sika.

19 Mi kipeto seo si ni tisa kuli ni nahane ka myaha ye mashumi amalalu ni ulimuñwi (ikaba cwanoñu) ya bulumiwa bwa Mulena. Mi Ni sepa kuli mutu kaufela unahana kuli nako yeñwi una ni kutaha kwa sebelezo ya hae ya mafelelezo ni kutaha mwa hola ya hae ya mafelelezo, ni kutalima kwa mulaho mwa musipili kubona ze kondile kwateni, kubona ze ile, “Kikuli u ezize sika fateni?” Mi haiba . . . Kona ni sa zo bulela fela, kuli ze mu eza ku babañwi kona ze li butokwa.

20 Kamita na ikalelwanga se si kabateni ha Ni ta fita kwa mafelelezo a musipili waka, zeo mane ha luzibi kuli ikona kuba nako mañi yeo, hakuna neba yomukana wa luna yaziba. Kacwalo Ne ni sweli kunahana za kutalima kwa mulaho mwahala nzila ye Ni tahile mwa bupilo ni kubona malundu ni liseto ni masulungundu ni macwe ni libaka zetiile ni zebunolo fo kumateha hande, ni se Ni ezize mwa linako zani. Kaufela li ka bonisa ku leliñwi la mazazi aa fa hola ya kufunduka kwa ka. Mi li ka eza cwalo ku mañi ni mañi wa luna. Kaufela lu lukela kuziba cwalo, kuli lika—lika bonisa ku luna mañi ni mañi nako yeo ha i taha.

21 Mi seo si ni tisa kamba si ni eza kuli ni bulele taba ye Ni sa lati kubulela. Si ni eziza kubulela taba yeñwi kuli Ni . . . Sa ni sisita mwa pilu kuisa kwatasi ka kubulela cwalo, kono se Ni bulela Na hapelezwa ku si bulela, ka kulemuha kuli se sa tepiñwi mi lifasi li ka si utwa, kono Ni siile bulumiwa kabaka—kabaka la kuli Ni swabile Ni lukela ku bu siya. Mi mwendi

buñata bwa mina mu li utwile fateni, ha Ni kwala ofisi yaka, ni zeñwi cwalo, ni kuzwa mwa simu.

²² Ha ni zibi ko Mulena u ka ni isa, mi zeo mane hanina zamaiso ka zona, kamba kaufela Sa ka bata kuli ni eze. Kono Ni nahana kwa mafelelezo a nzila ko Ni lukela kutaha. Mi mwahala musipili wa bupilo Ni ezize mafosisa amañata o Ni ikutwa maswabi ka ona kuzwelela kwa pilu yaka, bakeñisa kuli, Na sepa, ki butu ni bufokoli ni zeñwi cwalo, kona zetisa kuli mutu aezange ze cwalo kuli . . . mane ni kueza za sa tabeli kueza kamba buino bobu cwalo kaufela. Kono kakuba bufokoli bwa mutu, kiñi, luna—luna ni linako zani. Kono foo . . .

²³ Haiba kuna ni sika kaufela se si li mwa pilu yaka sa kueza, ki ku utwa Manzwi ani a Mulena luna Jesu kwa mafelelezo a musipili, aka yo bulela kuli, “U ezize hande, mutanga Ka yomunde mi ya sepahala.” Mi linako zeñata Ni bulezi kuli Ne ni ka tabela kuyema fani ha Na ka bulela kuli, “Taha ku Na”; kono Ni lakalize ku utwa Ha bulela kuli, “Uezize hande.” Kuli ne Ni si ka utwa Linzwi, kwa makalelo, le li bulela kuli, “Taha ku Na,” kwa mulaho mwa linako za kuñoliwa Bibebe; kono Ni lakaza hahulu ku yo Mu utwa hali, “U ezize hande.”

²⁴ Mi haiba kuna ni sika kaufela se Ni bata kuba sona, ni litakazo za pilu yaka kuba cwalo, ki kuba mutanga wa niti ku Jesu Kreste, Mulena ka ni Mupulusi. Ni bata kuli bupaki bwaka bube bo bu kenile, kusina neba litiba, kuli Ne ni yemi, mwa mafosisa aka kaufela Ni mwateni Ni sa Mu latile ka pilu yaka kaufela. Mi Ni eza cwalo kakusasana cwana ka pilu yaka kaufela.

²⁵ Mi, bakeñisa seo, si ni hapeleza kubulela kuli Na siya bulumiwa, kakuli kuna ni sesiñwi se si zuhile mwahala sicaba se si ni ezisa zeo, seo ki kuli, N zwisizwe mwa kakulo ya kuba “mukutazi” kamba “muzwale” ni kubizwa kuli Jesu Kreste, mi kacwalo kubiza . . . mi seo sikona ku ni bizisa mu antikreste. Mi Ni ka kopana ni Mulimu sina ya ñalile musebezi Ni si ka Mukatanyeza kale sina mu antikreste kuli ni zwise zeñwi ku Yena.

²⁶ Ne ni utwile ka zona ka—ka lilimo nyana kwa mulaho mi Na hupula kuli neli lisheha. Mi Na katana mizwale babalikani (bao mane hakuna niheba yomukana wabona yo Ni bona mo kakusasana cwana), bababeli kamba babalalu ba bona nako yeñwi mwa musipili wa kuyamba, mi ba ni sutelela kwa taba yeli, “Muzwale Branham, kana ha ki wena Mesia ya tozizwe, yena Kreste?”

²⁷ Mi se Ni beya mazoho aka fa mulala wa mizwale, kamba, kaufela bona, mi se Nili, “Mizwale, katata luli mo ne Ni likezi kuba mutanga wa niti wa Kreste, ha Ni tabeli kuli mubulele ze cwalo. Mi haiba li ka bulelwa ku na, konakuli Ni ka zwa mwa simu ka lizwalo le li lukile, mi wena ya eza cwalo u ka

yo ikalabela kwa moyo kaufela one Ni ka pilisa ka nako yeo; mwabona, ka ku ni zusa mwa simu.” Mi Na hupula kuli sani ne si lifelize.

²⁸ Mi Ni li utwile linako nyana. Kono ne si cwalo. Mi zazi leliñwi mwa Canada muzwale na ni bonisize tikiti nyana ya sika sa na beile mwa pokoto ya hae, ali “William Branham ki yena Mulena luna,” ku kolobeza ka libizo la William Branham. Mi hanyinyani . . . yomunde . . . Kambe neli sila, kambe neli sila sa ka Ne ni ka ziba kuli neli fela lisheha. Kono neli yomunde, muzwale yalatwa ataha ku to ipulela libi za hae ni mafosisa a hae ni kubulela kuli tumelo ya hae ku na iswana fela yanani ku Jesu Kreste.

²⁹ Mi Ni na ni mañolo kwa ndu, ni lipizo zezwa kwa Chicago ni libaka zeshutana, ze ni buza haiba Na lumela mwa lituto zekeluhile zeo.

³⁰ Mi Ni na ni mañolo a mifuta kaufela atile mwa mazazi nyana a likani, ni lipizo ze zwa kwa libaka ze shutana, kacwalo, ze bulela kuli kina Kreste. Mizwale, yeo ki taba yemaswe, ye swabisa, buhata bobusina bumulimu kubona ki bwa diabolosi! Mwabona? Mwabona, Na ni muzwale wa mina. Cwale, seo sa kona kumatisa mutu kaufela kuzwa mwa simu. Seo sikona kusabisa mutu kaufela ya lata Kreste kumata kwa sika sateni luli.

³¹ Ne ni ile ku Mulena kwanu ha ki kale hahulu, hane Ni utwile za yona pili, mwendi seli mwaha o felile. Mi se Ni ya ku Mulena mi Ani swaniseza kwa Mañolo fani Joani ha taha inza kutaza, kuli nebasina mupolofita fa lifasi ka myaha yemiñata hahulu, kufitela iba inge . . . neba komokile kaufela mwa lipilu, inge ba nahana kuli mwendi Joani neli yena Mesia. Kacwalo he Na . . . Joani, ba yo mu buza, mi abulela kuli ne si cwalo. Mubalile seo mwa Luka kauhanyo ya 3, timana ya 15. Mi kacwalo he . . . Kono sani sa bata ku ni wkiseza fafasi, kacwalo Na si tuhela fela kuya ona cwalo.

³² Kono cwale hane litile ku se, mi Na ziba kuli sesiñwi sina ni kuezahala. Mi Ni bulela cwana, “Kuli lipono ni Lingeloi la Mulena lene li bonahalile kwa nuka,” (haiba le li lukela kuba liñusa la mafelelezo kamba nto ya mafelelezo kwa keleke, kwa lifasi) “lika zeo ki za Niti, kuya ka Lingeloi la Mulena.”

³³ Mi Na yema inge ni kuzize haiba sicaba ne si ka ni biza mupolofita linako zeñata, kakuli *mupolofita* mwa testamente ya Sikuwa fela ki “mukutazi, mupolofita, ya bulela ze sa taha ka Linzwi,” ni zeñwi cwalo. Ne ni ka yemela taba yeo kakuli ukona fela kukasha taba yeo fafasi; kono cwale ha i taha kwa kubizwa ya “Kreste ya tozizwe,” kamba nto yeñwi, zeo ne li zebukiti ku na. Kacwalo Na palelwa fela ku itiisa ka zona.

³⁴ Mi kacwalo he ka . . . Na taha . . . Kasamulaho wa kuzwa mwa mukopano kwa Canada, Ne ni fumani kuli kafoo kwa

sicaba sa ma Eskimos kamba ma Indian kulo kwani, ne li fitile mwahala bona.

³⁵ Mi kacwalo za ni filikanya fela. Mi musipili wa kuzuma o ne Ni lefile fa nako yetelele, Na palelwa ku funduka. Ne ni saba musipili wa ku yo zuma, haiba mwa utwisisa ze Ni bulela. Na kala kunjanja hahulu, kufita ha Ni yemi fa cwale. Mi Na palelwa fela ku itiisa nihanyinyani, ka kunahana kuli myaha ye seti-wani ya bulumiwa ii congile mwa mumizo wa diabulosi, kukena mwa. . . Ha se Ni ile, ba ka bulela sikamañi? “Ki yani fani, sani kona mo ne si inezi”; ni susumezo kaufela yene Ni nani fahalimwa sicaba, kona kuli mwabona fo ne likaba, Ne ni kaba mu antikreste. Mi Ne ni palelwa fela ku itiisa ka zona!

³⁶ Na hupula kuli, “Kihande ni shwele fela mo mwa mushitu, inge ha ne Ni wezi fa tobolo yaka kamba nto yeñwi, kufita. . .” Mi Na bona kuli Ne nili. . . Mi Na cwale ka Joseph waka yomunyinyani, ni zeñwi cwalo, yana sa huliswa. Mi Ne ni sina libaka la ku zuma, kacwalo Na zwa fela mwa mushitu ni kutaha kwa lapa.

³⁷ Mi Ne se ni katezi luli mwendi neli mazazi a eiti kamba lishumi, mwa butata bobucwalo bo Ni—Ni hupula kuli Ne ni ikutwa kulyangana. Mi Na kupa fela kuli mañi ni mañi ba ni siye fela ni linosi kakuli Ni mwa butata luli ni kuikalelwa ni kunyema ni kukala maswe ni topwezi.

³⁸ Mi Ne ni nahana kuli; mwendi kambe neli sila sa ka fela, ne kukaba hande, kono Ne ni ka seha fela ni kuzwelapili; kono ha li taha kwa mizwale babande, likezeli zende, kona kuli seo kona se si ni holofaza. Mi se Nili, “Mulena, yomutuna. . . lika zeo ki zetuna luli, Ni ka zwa fela ni libeye mwa mazoho a Hao. Ha—Ha ni zibi sika hape sa kueza.”

³⁹ Masihu nyana a fitile, kuli ni e ya ikwolwisa hande, Ne ni na—na potelwa ki Mulena. Mi Ni bona alimuñwi wa babande inza sweli mwana neli—neli noha, wa mubala wa buñandatalukeke ni bunsu, ni ku ni bulelela, hande ona cwalo, mi neli, mi sa ni nata fa lihutu. Kono mali neli atiile luli ne si si ka ni tiseza butata. Mi Na talima fafasi, mi fani kona fo ne Ni lumilwe sapili. Mi Na fetuna kapili ni tobolo ni kukunupa sika—sika sani, mi ya nata hande fahala sika snai kunonga hande.

⁴⁰ Mi muzwale ali. . . Na fetuha ni tobolo yaka kuli ni i kunupe kwa toho, mi ki hali, “Usike wa eza cwalo, nga fela kota ye lobezi bukaufi ni wena.” Mi ha Ni sikuluha kuli ni nope kota, ya minyunkela kapili mwa mezi, neli fela tumezi nyana kihona.

⁴¹ Na li, “Kihande, ha ikoni kuholofaza hahulu cwale kakuli Ni lumela kuli muzwale wa ziba (bona mzwale) sene si ka ezahala.” Na li, “Ika. . . Kamita ki ye holofezi, kona kuli i ka shwa.”

⁴² Mi Ni buzize buñata bwa ma membala baka ba keleke mo, mwa tabernakele ye hamoho ni Muzwale Neville ni Na, ba ba tile ku to ni atumela ka puzo yeswana yani: Mizwale, likezeli, kana

ha Ni si ka lika kuba mutanga wa niti wa Kreste fapila mina? Kana ha Ni sika lika kuba muzwale wa mina? Cwale, kaufela ko u fumaneha, ki moya oli fa sicaba sesinde. Batu babañata ba ni buzize cwalo. Kono ki—ki moya, kono Ni sepa kuli kacenu li u amuhezi sitombo sesi butuku mi u ka shwa kapili kuli Ni kutele mwa bulumiwa. Kufitela nako yeo, Na mi kupa mañi ni mañi, mu ni lapelele kwateni. Ha ni zibi se Ni ka eza. Sibaka sa ka kwa kulekisa. Ha nikoni fela ku itiisa ka zona, Ni—Ni—Ni pila kwanu, Ni ka zamaya fela inge ni lyangana. Mi Ni . . . Ni kupa kuli mu ni lapelele kwateni.

⁴³ Mi, muhupule, haiba mukile mwa ni lumela, haiba mu ni lumezi kuba mutanga wa Kreste, muhupule, “Ao ki mafosisa! Ki buhata!” SA BULELA MULENA KISONA! “Ku fosahalile! Hania sa kueza ka zona!” Ni muzwale wa mina.

Ha lu inamiseñi litoho za luna:

⁴⁴ Ndataluna ya kwa Lihalimu, mubili waka wa njanja, mazoho aka aomelela, minwana ya mahutu aka i putani mwa makatulo. O Mulimu, ube ni makeke. Ki sikamañi se Ni ezize, Mulena, kuli ni swanelwe ki taba ye? Ni lapela kuli U ni utwele butuku, Mulena, ni kwa batu kaufela. Mi fahalimu fani, ni sicaba sesinde sani, ha si bone mafosisa a sona ni se ba ezize, Mulena, ka kufilikanya pilu ya muzwale wa bona ni ku . . . isiñi fela muzwale, kono Mupulusi wa luna, yena Ndata luna ya kwa Lihalimu. Ni lapela kuli u lu swalele mafosisa a luna, Mulena. Lumeleza kuli Mali akenile a Kreste cwale abize butu bwaluna hamoho, Mulena, mi ufuyolwe Muhala o tama lipilu za luna mwa lilato la Bukreste ni kutwano.

⁴⁵ Mulimu, cwale sila ya na tezi mizwale yaluna ni likezeli zaluna ka . . . ha amuhele sitombo se si ka mu bulaya kuli asike a pila nikamuta; ha shwe fela kapili, Mulena. Ha u eza ka eza cwalo, Ndate, Ni ka kutela mwa simu hape. Kono kufitela nako yeo, Mulena, Ni mutanga hao ya lobehile pilu, ya libelela, ya libelela. Li fitelela sika kaufela se Ni kona kueza. Ka mioko ni kulila ni kususueza Ni likile, Mulena, katata (U ziba pilu yaka.) ku lituhelisa li si ka fita kale kwahule, kono sa ya fahule kufitelela kaufela se ne Ni ka eza. Kacwalo, Ndate, Ni li beya mwa Mazoho a Hao kuzwa fa katala fa fona fo Ni kotalize ka myaha ye kaufela. Ni li beya mwa Lizoho la Hao.

⁴⁶ Cwale, U li bone, Ndate, ka nzila ya Hao Tota ye Pahami. Mi ha se li felile kaufela ni lika zeñwi lifelile, kipeto mutanga Hao uka kuta. Kufitela nako yeo Ni kana ni libelela ku utwa ku Wena, Mulena.

⁴⁷ Lu fuyole cwale mi ulufe sebelezo yetuna kacenu; halunzelu lu li mo hamoho ka mukwa wo, kono fela kuli i utwahale hande, patalaza kwa sicaba, fapila sicaba. Kuli ba zibe, Ndate, kuli Na Ku lata ni ku Ku lumela mi ni kuli ni Ku yemezi, mi—mi ni kubata kuba cwalo, haiba Ni na ni kuikela, nituhele ni ikele,

Mulena, ka pilu ye kenile ni piho ya niti ya kuli Ni lumezi ku Wena ni ku Kusepa. Lumeleza cwalo. Mi Ni kana ni Ku lumba nikana ni Kufa kanya mwahala masika kaufela a sa taha ka Jesu Kreste. Amen.

⁴⁸ Cwale, mwa Mañolo, ha lu apuleñi mwa Bibebe mwa . . . Ni hupuzi kuli kakusasana cwana ikaba nto yende, haiba Muzwale Neville ha bilaeli, ka kuzwelapili fela fa mizuzu yelikani mwa . . .

⁴⁹ Cwale, Ha . . . Mu si mwa ni utwisa seo neba hanyinyani zeo lisike za belwa mwahala mina. Mu lapele fela ni ku likasheza kwahule, mu itobohe zona. Mwabona? Ha ni . . . Na—Nina—Nina ni lilimo ze mashumi aketalizoho ka zepeli za kupepwa, kono Ni sepa mwendi, haiba Mulimu a ni bukeleza, Ni na ni bupilo bobunyinyani bo busiyezi, mi Ni bata kuitusisa nako yaka ibe ku Kreste ibe bunyinyani imane. Kacwalo, muhupule, Na funduka kakuli Ni zamaiswa kueza cwalo.

⁵⁰ Cwale, mwa Buka ya Sinulo, mwa kauhanyo yabu 4 mo ne lu siyezi zazi leliñwi hane luli mwa palo . . . Sinulo, kauhanyo ya 4, Na lumela, kwa mafelelezo a timana, ya kauhanyo. Kihande, ki ba bakai baba tabela Sinulo? Kihande! Cwale, Ni lumela ne lu tuhelezi fa 5—kauhanyo yabu 5, nji cwani? Ne lu siyezi, kauhanyo ya 4, Libupiwa zene zepila. Cwale, ha lu atumeleñi Linzwi cwale, lu libale lika ze li kwa mulaho.

⁵¹ Mulimu Ndate, U lu tuse cwale hanze lu ikalezwi, kono lu atumela Linzwi. Lu libala zeli kwa mulaho, lu ikataleza kuliba cwale kwa pizo yepahami, pizo yepahami ya bulumiwa ya kuba mutanga wa Kreste. Lufe Linzwi kakusasana cwana mi lu fepe mioyo yaluna ye lapile, kakuli lwa nyolelwa, Mulena, ni ku libelela tozo yende yani ya Moya o Kenile. Taha mwahala luna, Mulena, uswalele libi za luna ni bumaswe mi ulu lumeleze kuba batanga ba Hao. Kakuli lu kupa ka Libizo la Jesu. Amen.

⁵² Cwale, ne lungile masika a likeleke, Masika A Likeleke Zesupa. Mi hee, cwale, Ni lumela kuli babañwi ba bona balika ku . . . ñola taba ye, masika a likeleke. Mi lu taha mwa kauhanyo ya 4 ya *Buka ya Sinulo Ya . . .* Ki sikamañi seo? *Sinulo Ya Jesu Kreste*. Ki *Sinulo*, ye bizwa ka si Latin, kuli *Apocalypse*, ili kutalus akuli “ku patululwa, kuapula si—si sikwaheliso fateni, kubonisa, ku apula,” kutisa sinulo ya Jesu Kreste ya Nali teni, Yaliteni, ni Ya Sa taha, yena Mubisi ni Situndo sa Davida.

⁵³ Cwale, mwa kauhanyo ya 4, lu fumana kuli Joani na swelwi mwa Lihalimu kasamulaho amano bona masika a likeleke. Kuba fela makalelo a yona cwale, mi he luka . . .

⁵⁴ Mwendi ikaba hande kubala litimana nyana za kauhanyo ya 5, mi kipeto lu ka kalela fa makalelo a yona.

Mi Na bona mwa lizoho la bulyo la yainzi fa lubona buka yeñozwi mwahali ni . . . kwa mulaho, i swailwe ka maswayo a supa.

Ki ha Ni bona lingeloi le li mata ha li bulela ka linzwi leli tiile lali, Kimañi ya swanela ku apula buka, ni ku mamulula maswayo a yona?

Mi nekusina mutu mwa lihalimu, kamba mwa lifasi, nihaiba mwatasa lifasi, ya kona ku apula buka, nihaiba ku i talima.

Mi Na lila...kakuli nekusina mutu ya fumanwi kuswanela kuapula ni...kubala buka, neiba ku i talima.

Mi alimuñwi wa ba bahulu ani bulelela ali, Usike wa lila: bona, Tau ya lusika lwa...Juda, ona Mubisi wa Davida, u komile kuli a apule buka, ni ku mamulula maswayo ayona asupa.

Mi ha Ni talima, na bona, mwahala lubona ni... libupiwa zene, mi mwahala babahulu, kuyemi Ngunyana ya bonahala inge na bulailwe, ana ni manaka a sebene ni meto a sebene, ili Mioya ya Mulimu ye sebene ye lumezwi kai ni kai mwa lifasi.

Mi a ta anga buka ye mwa lizoho la bulyo la ya inzi mwa lubona.

Zeo kona litimana za makalelo ze sebene.

55 Cwale, cwale, mwa kauhanyo ya 3 ya Sinulo, lu fumana kufela kwa Lusika lwa Keleke, lone lu felile ni Laodesia, ona lusika lwa keleke ye enya fela. Mi lufumana cwana kuli, kapili kuzwa fani, Joani a ngelwa mwa Moya, aisiwa mwa Lihalimu. Mi abona lika ze ne liteni, ni ze ne sa taha, ni lika ze ne bile teni. Cwale, lu fumana kuli, keleke ha i sa bonahala konji mwa kauhanyo ya 19 ya Sinulo, mi ikuta hape ni Mulena yona, inze i tapile ka kanya mwa Mali.

56 Cwale, mwa pulelo ya mafelelezo ye, ka ku kalisa fela taba kuli lufite fa nainzi Joani cwale, ne lu fumani kuli mwa liñusa la mafelelezo...Ne ni sweli fela ku talima kuibala maabani, zeñwi za litaba zene Ni bulezi. Mi Joani aya kwa Lihalimu mi abona lika zani. Mi Ne ni lemuhile fani kuli U ni file sinulo, kuli... Mwa ziba, kasamulaho wa zuho ya Hae babañata nebali ni Yena, mi babañwi bali, “Ki sikamañi se si ka ezahala ku muuna yo ya yendamezi fa sifuba sa Hao (Joani)?”

57 Jesu afetuha ni kubulela kuli, “Ki sikamañi ku wena haiba a ka ina kufitela Ni taha?” Kacwalo Na si ka...

58 Mi kwa hasana tuto yeo kai ni kai. Mwabona bunolo bwateni mo li kalelanga? Kwa zwa tuto yene ili—ili “Joani na si ke kushwa kufitela a bone Jesu inza taha, kamba kufitela Kutaha kwa Bubeli.” Bibeles ibulezi kuli nekuna ni tuto yene zwile ka yona.

59 Konohe, Jesu na si ka bulela ka nzila yani. Na ize, “Ki sikamañi ku mina haiba a liyeha mi apila kufitela Ni taha?”

60 Cwale, lu fumana kuli na nanulezwi mwa lihalimu mi abona kuzwa fani kufitela kutaha kwa Mulena, inge kuli nali kwateni mi abona kaufela ha li ezahala. Joani kasibili na si ka pila . . . Na pilile myaha ye nainte bukana cwalo ya kupepwa, mi ni kushwela mwa—mwa lifu la hae fela (ki yena fela anosi wa baapositola) kasumulaho wa kuzwa fa sooli sa Patmosi.

61 Cwale, kuna ni taba iliñwi yabutokwa ye Ni kona . . . (Ni sepa ba ngile zaka . . . batulukisize limati, kono . . .) Ni tabela kukoñomeka hanyinyani lu si ka nata kale taba yabutokwa yee. Oh, ye ki ye kanya! Ki yende, ki kauhanyo yende.

62 Mi cwale kauhanyo yetatama luli ikala ka kukwalula maswayo aa. Oh, mawi! Mi cwale luna ni ku tula kuzwa foo ni kuliba mwa libaka zeshutana mwa Bibeke, ku nga maswayo a ha sa kwaluhile ni ze li makunutu a ona. Oh, ki ze kanya, li fumile fela ni ma vitamini a moyo!

63 Cwale, lu bona kuli iliñwi ya lika zetuna ze ipitezi zeo Ni tabela kutisa kutwisiso ya mina ku zona, neli Libupiwa zepila (siemba sa mafelelezo mwa kauhanyo ya 4) zana boni Joani inze li tokomela Areka yani ya Bulikani. Mwa hupula mo ne li beezwi sina Isilaele ka kweli mwa muzamao wa yona? Neli nani, cwale, ona fani, neli sifateho sa Sibupiwa sesipila. Mi lu fumana kuli Libupiwa ze ne si Mangeloi, kamba nihaiba kuba batu. Neli Likerubimi. Mi lu li fumana mwa Testamente ya Kale ni areka. Lu li fumana mwa Testamente ye Nca. Mi cwale lu li fumana mwa Kutaha kwa Mulena hape, Likerubimi li sileleza sipula sa sishemo.

64 Sipula sa sishemo seo hakuna mutu yakona ku atumela ku sona haiba haana swalelo mutu yoo, nzila fela inosi yeo sibaka sesikenile . . . Ha ne si hasakiwa ka mali, kona si ba sipula sa sishemo. Kono kasumulaho mali a ma no zwiswa fateni, se siba sipula sa katulo.

65 Mi, oh, mawi, hakuna mutu ya kona kuyemela likatulo za Mulimu. Taba fela yelukona kubata ki sishemo, isiñi katulo, isiñi kuluk- . . . kuluka. Halukoni ku atumela ka kuluka kwa Hae; kakuli, kuluka kwa Hae, Una ni ku buluka Linzwi la Hae; mi kubuluka Linzwi la Hae, “Zazi le mu ka ca kuyona, lona lizazi leo mu ka shwa.” Ki mañi ya tabela kuluka? Hani lati kuluka. Ni biza sishemo. Mawi, tuhela sishemo sa Mulimu . . . Mi sipula sa sishemo sa sisiwa mali!

66 Kono nekuna ni nako ya ku keniswa kwa tempele, hane ili sipula sa katulo haibile fela mali na zwile mwa sipula.

67 Cwale, lu atumela nako yeo *cwale*. Lu atumela cwale, mwa lusika loo, kukeniswa kwa tempele ni katulo ye tahela lifasi. Mwabona? Haibile fela Mali ateni, Mulimu hakoni kusinya lifasi; haibile fela Mali ateni, hakuna ya li muezalibi fapila Mulimu. Mutu kaufela ki ya lukile, kakuli kuna ni Swalelo ya mañi ni mañi. Kono haiba upalelwa kuamuhela Swalelo yani ni kuliba fa

Pila Hae, kipeto u muezalibi, u kwahule ni sishemo sani. Kipeto u i katuzi ili wena. Kono cwale ha ku sa na ni sishemo. . . Kono kukeniswa kwa tempele ha se kutile, kipeto Mali a zwa fa sipula sa sishemo mi cwale buhali bwa Mulimu bu suluhela mwa lifasi. Oh, mawi! Mulimu u lu utwele butuku, kuli lusike lwa fumanwa ka lizazi lani lusina sishemo sa Mulimu.

⁶⁸ Cwale, lu bona mwahali mwani. . . Ni ka lika kukenya mwateni mufuta wa za moya fa, kamba ku mi swaniseza zona ka mazoho, kuli nekuna ni maneku amane mo Isilaele na pilela mwa mafulo. Ne ba beile a—a areka fahali, mi kwa maneku amane a tende neli masika amalalu a Isilaele, mi zetalu ha liba zene kalabo ki twelufu, kamba zetalu, nitaluse, twelufu. Mi zetalu kaufela ne li nani toho. Mi toho ni toho kaufela ya lusika. . .

⁶⁹ Alimuñwi wa bona neli Rubeni, na yahezi cwalo kwa—kwa mboela. Nali yena toho ya mutu. Mi Efraimi na li kwa wiko, ni masika amalalu, nali yena—yena komu. Mi. . . Mi kwa neku la upa nekuna ni Juda, yeli tau cwale. Mi neku la mutulo nekuna ni Dani, yanali mbande. Cwale, mulemuhe. Mwa li hupula? Kaufela mina mwa li hupula hande, mo ne lu li swaniselize: mbande, ni komu, mi ni—ni mutu, ni tau.

⁷⁰ Cwale, mu lemuhe, Juda usileleza munyako wa kwa upa. Mi Krete ki “yena Tau ya lusika lwa Juda.” Uka tuluka kuzwa mwa mbyumbyulu akene ka munyako wa kwa upa, kukena ka nzila ya munyako. U zwelela kwa munyako wa kwa upa uzwa mwa lusika lwa Juda. Mi ki Yena “Tau ya lusika lwa Juda.”

⁷¹ Mi lu fumana cwana, mwa liñusa la luna le li taha kakusasana cwana, kuli Yena u sa bizwa kuli “Tau ya lusika lwa Juda, Mubisi, ili makalelo a Davida.” Davida nali mulena, Kuyakuile. Mi Krete uinzi fa lubona lwa Davida mwa puso ya Mileniamu, ili yena Mulena wa Kuyakuile. “Hakuna ni yomukana ya ka palelwa Davida.” Haleluya! “Hakuna kuba yaka palelwa Davida!” Mulimu na sepsize ona vwalo, ali, “Hakuna ya ka palelwa Davida, hakuna neba alimuñwi.”

⁷² Mu li, “Kucwani he kacenu, bakai baatuli ba Majuda bani?”

⁷³ Yena usa na na ni Peu, Krete ki Mwana hae kuya ka nama. Kuna ni alimuñwi ya inzi fani. “Davida hana ku palelwa.” Yeo ki niti. Mi Krete ki yena “Tau yani ya lusika lwa Juda” kona kwa zwelela Davida.

⁷⁴ Cwale, lu fumana kuli nebali balibeleli bene bali fa sipula sa sishemo. Ne ba talima sipula sa sishemo. Hakuna ze ne taha kuyona, ne li sila masika pili li si ka fita kale fa sipula sa sishemo. Mutu kaufela ya lata kufa bupilo bwa hae, mu Isilaele kaufela mwa mafulo na ka shwa ku si ka taha kale sika kukena kale mwa mafulo ani ni kunga sipula sa sishemo sani. Mi cwale lu fumana kuli wani neli mulao wa Testamente ya Kale.

⁷⁵ Mi mwa mulao wa Testamente ye Nca lu fumana taba yeswana, kuli ne i sileleliza, sipula sa sishemo. Oh, Ni sepa mwa

utwisisa! Sipula sa sishemo si sa bukelezwa, niteñi si sa na ni balibeleli. Lu fumani kuli balibeleli bani ki Mateu, Mareka, Luka, ni Joani, inza sileleza Buka ya Likezo, likezo za Moya o Kenile ne li ezwa mwahala ba apositola, ili yona—yona Buka ya Likezo za Testamente ye Nca za ye Nca. Ni bañoli babane ba Evangeli, Mateu, Mareka, Luka, ni Joani, kaufela ba libelela sipula sa sishemo sani kubonisa kuli ki Mulimu, ona Moya o Kenile kacenu. Liñolo lifi kaufela, Mateu, Mareka, Luka, ni Joani, mañi ni mañi wa bona uka yemela Evangeli ya niti ya Mulena Jesu Kreste ni likezo za Moya o Kenile.

⁷⁶ Cwale, ha lu ka fitelela Zeo kipeto ha ki Zona. Kono I yemela Liñusa la niti! Sina ha lu fumana mwa Likezo 2:38, koo, “Mubake, mi mu kolobezwe ka Libizo la Jesu Kreste kwa swalelo ya libi za mina.”

⁷⁷ Mi kacenu ba yolisize ka Libizo la “Ndate, Mwana, ni Moya o Kenile” kuli ba kolobezwe ku lona. Hakuna Mañolo a zeo! Hakuna bupaki bwa ona. Hakuna za—hakuna ze a yemela, hakuna neba nto yekana! Mu li, “Mateu kiyena yana bulezwi cwalo.” Mateu a I sileleza. Mateu 28 . . . 1:18 ili:

. . . kupepwa kwa Jesu Kreste kutahile ka mukwa woo: Mi . . . mahe Maria a beelelizwe ku Josefa, ba si ka taha kale hamoho, musali afumanwa kuli una ni mwana wa Moya o Kenile.

Zeo kaufela za ezahala foo . . . Josefa muuna hae, (nitaluse) kakuba muuna ya lukile, . . . a sa lati ku mu swabisa ku babañata, a hupula ku—ku mu lisela kwa tuko, ka mukwa wo.

Kono ha na sa kengeyela fa litaba ze, amubone, lingeloi la Mulena la bonahala ku yena mwa tolo, lali, Josefa, wena mwana Davida, usike wa saba ku ikungela Maria musala hao: kakuli sa itwezi ki sa Moya o Kenile.

⁷⁸ Kanti he, Moya o Kenile ni Mulimu Ndate ki Mutu yaswana kamba Nana ni bo ndatahe bababeli. Mwabona? Kacwalo mwa bona!

Mi uka pepa mwana, . . . ya ka beiwa libizo la JESU: . . .

. . . mi se sa ezahala, kuli ku talelezwe . . . se si bulezwi ki . . . mupolofita, . . .

⁷⁹ Mulimu ukaba ni luna, ya bizwa Emanuele, ili yena Mulimu, Ndate, Mwana, ni Moya o Kenile, mwa Libizo li liliñwi (Jesu Kreste) le li sileleza munyako kwani kwa mafosisa.

⁸⁰ Mazazi nyana afitile mwa Chocago, fapila katengo ka bakutazi bamwa Chicago, Chicago yomutuna . . . Na ziba . . . Moya o Kenile wa ni zusa busihu mi wa ni bulelela kuli, “Yema kwatuko ni lihaulo.” Wali, “Kuna ni sikwata sa bakutazi mi ba ku lukiseza mukushuko.” Ali, “U tokomele, ba ka ku lwanisa ka taba ye.”

81 Se nili, “Ni Itumezi, Mulena.” A ni bonisa ko ne li ka ezahalela.

82 Mi se Ni ya ku yo bulelela bakutazi, Muzwale Carlson ni Muzwale Tommy Hicks, mo ne li ka bela. Na li, “Sibaka se mu lifezi, hasina kuba cwalo. Lu kaba mwa sibaka sisili.” Na bulela ka mo Dokota Mead na ka inela; ni muuna yomunsu mwa na ka tela, aine neku *le*; ni zeo kaufela.

83 Mi cwale kakusasana wani, mi se bali. . . Mwana ka wa mushimani ali ku na, ali, “Tate, mu ya kwani mwa likañi lani?”

84 Mi se Ni li, “Ha ni yeli ku yo kanana. Ni ya kwani, ni tozizwe ka Moya o Kenile, ka Linzwi la Mulimu le li ka sileleza sipula sa sishemo sani, haibile fela Uteni mwani.”

85 Kacwalo hane luilo fita kwani, mane ba si ka ba kale ni kolo ya ku buza nto iliñwi, Moya o Kenile wa bulela ku na, wali, “Cwale seli nako ya kubulela.”

86 Se nili, “Na ziba libaka le mubezi kwanu.” Mi se Nili, “Cwale, Muzwale Hicks, ni wena ni Muzwale Carlson, toho ya Baana ba Pisinisi ya Sikreste,” Na li, “Hanili kaufela li zamaelela hande sina Moya o Kenile mo no ni bulelezi maloba? Kuli ne mu si ka fumana sibaka sani, ni kuli lukaba kwanu?” Mi ba si fumana fela kakusasana wani. Mi se Nili, “Cwale talima, mañi ni mañi aba fela ka swanelo mo ne U bulelezi.” Se nili, “Taba ye mubata ku ni ndongwama ka yona ki ka Libizo la Jesu Kreste mwa kolobezo.”

87 Mi cwale ha lu. . . Moya o Kenile wa kala kunga Linzwi la Mulimu ni ku Li patulula ni ku Li toloka hande cwalo, foo sikwata sa bakutazi ba tumelo mwa bulalu bwa bumulimu bani bali kuina fani, inge basweli kufita mwatasa tafule ni kuswalana mwa mazoho ni mañi ni mañi ni miyoko inge ibuba fa malama a bona. Mi Ni utwisisa kuli ba sebente-tu babona ba taha kwanu kwa tabernakele ye kuli ni ba kolobeze ka Libizo la Jesu Kreste.

88 Sipula sa sishemo sa silelezwa, mwabona, Moya o Kenile u sileleza sipula sa sishemo. luswanela ku li buluka fela handende. . . Linzwi la Mulimu leo. . . balumiwa babatuna bani baba inzi fani bo, Mateu, Mareka, Luka, ni Joani, kona baba yemela kezo kaufela ya Testamente ye Nca.

89 Mi cwale—cwale, kona sene Ni bulezi mwa kalulo yapili ya liñusa la kakusasana le, ha lu li beyeni hande ona fani inge li silelezwa ki Evangeli. Kana mwa libona nji? Mwabona? Mu li beye ona foo Evangeli ikona ku Li tokomela.

90 Cwale, lu fumana cwana kuli mwahali mwani, ne ba sileleza sipula sa sishemo sa Mulimu mwa Testamente ya Kale; mi kwani, Mateu, Mareka, Luka, Joani, kaufela bona. Mi nihaiba yona Tau ya lusika lwa Juda a lobaza bupilo bwa Hae kuli a sileleze sipula sa sishemo sani, ha li fafalelizwe ka Mali a Hae Tota. Mi ki Yani

uyemi fani kakusasana cwana, kacenu, yena Mukomi yomutuna ye ka tuluka kuzwa kwa Upa zazi leliñwi mi lu ka Mu bona.

⁹¹ Cwale, lu apule kapili, kakuli Ni ziba kuli kuna ni sebelezo ya kolobezo. Buka ye swailwe ye ki sikamañi? Oh, ha ki nto kwa bunde ni yeo! Kana mu lemuhile mo i bulelezi fa kuli, “Neli maswayo a supa kwa *mulaho* wa Buka”? Ki nto yeñwi. . . Oh, mi Mulimu alutuse cwale ni ku lufa bundume, mi mwendi kasamulao nyana fa Na kona ku mi tiseza lona. Mutalime, se ha si si ka ñolwa mwa Linzwi, si swailwe kwa mulaho wa Linzwi. Buka ne i swailwe ka maswayo asupa a ao. Kunutu kaufela ya Buka i swailwe mwahala maswayo asupa aa. Ye ki iliñwi ya likauhanyo zetuna hahulu mwa Buka kamukana ya Sinulo. Mutalime:

Cwale Na bona mwa lizoho la bulyo la yainzi fa lubona buka yeñozwi mwahali ni . . . iñozwi mwahali (Mwahali i ñozwi, kona ze lu balela taba ye kakusasana cwana.) mi . . . kwa mulaho, ikwahezwi ka maswayo a sebene.

Kwande a Bibebe, mane Bibebe ha i buleli cwalo, li swailwe mwahali mo ka maswayo asupa: likunutu za Mulimu.

⁹² Cwale, ki sikamañi seo? Cwale, mulemuhe. Liswayo li yemela musebezi o felile, sika se si tatubilwe kale, si bonahalizwe, mi ni ku swaiwa. Ikai. . . Luna ni swalele ya puluso yaluna cwale ka ku swaiwa ka Moya o Kenile. Yeo kona swalele ya puluso yaluna.

⁹³ Halu kuteni kwa mulaho fa muzuzu fela. Ni—Ni nani Liñolo le li ñozwi fa, ki alikani aona, Ha ni. . . na kuba ni nako ya kufita ku ona kaufela. Kono ha lu kuteleñi kwa Maefese, fa nako nyana fela, ni kubala za. . . mwa kauhanyo ya 1 ya Maefese, kuli mukone kuba ni taluso ya luli.

Paulusi, muapostola wa Jesu Krete ka tato ya Mulimu, kwa balumeli babali mwa Efese, . . .

⁹⁴ Mi, muhupule, Joani nana ni liñolo le ku ñolela Maefese, kwa Efese ni ku baba sepahala ku Krete, bona bene ba kotalizwe ki Paulusi ni kuhuliswa, a ba hulisa ka Evangeli. Mwabona?

. . . Efese, ni ku baba sepahala ku Krete. . .

⁹⁵ Bao ki bona babali kale ku Krete. Lu kena cwani ku Krete? “Ka Moya ulimuñwi luna kaufela lu kolobelizwe mwa Mubili ulimuñwi,” ili ona Mubili wa Krete.

Mu fiwe sishemo, ni kozo, kuzwa ku Mulimu Ndata luna, ni . . . ki Mulena Jesu Krete.

Ku lumbwe Mulimu Ndatahe Mulena luna Jesu Krete, ya lu fuyozu ka limbuyoti za moya kaufela mwa libaka za mahalimu ku Krete Jesu:

⁹⁶ Munahane ka zona cwale! U lu fuyozu ka muhau wa lihalimu kaufela, limbuyoti, halunze lu kopana hamoho ku Krete Jesu (sina balumeli, yona Keleke ye ketilwe, ye bizizwe, ye yemi

kwatuko). U lu swaile ka Moya o Kenile wa Hae, mi cwale usweli kupatulula ku luna lika kaufela ze li kwapili a luna. Cwale lu fitile fa maswayo asupa.

Mwa Na lu ketezi ku yena pili lifasi li si ka tomwa, kuli lube baba kenile mi lutokwe litiba . . . mwa lilato:

Ka ku i kañulela luna kuba bana ka Jesu Kreste ku yena luli, ka tato ya Hae Tota yende . . .

⁹⁷ Ha ki muhupulo kwa bunde ni woo! Halu baleni fela fa muzuzu. Ni bata kufita fafasi fa sihulu fa timana ya 12, ni ya 13, 14:

Kuli lube kwa tumbo ya kanya ya hae, yena yana sepile pili ku Yena.

Yena yo muinzi ku yena ka sepo, haisamba muutwa linzwi la niti, ni evangeli ya kupiliswa kwa mina: ku yena . . . ha se mu lumezi, mwa . . . swaiwa ka Moya o kenile wa sepiso,

⁹⁸ “Ha mu se mulumezi.” Oh, muzwale waka wa Baptist, ukona kubulela cwani kuli Zeo ha li cwalo? U li u amuhela Moya o Kenile ha u lumela? Ibulezi kuli, “*Kasamulaho* wa kulumela kona kuli no swailwe ka Moya o Kenile wa sepiso.” Mulemuhe:

Ili yona swalele ya saanda se lu sepisizwe, ka mulelo wa kulukulula liluwo ka tiululo, kuli ku lumbekwe kanya ya hae.

⁹⁹ Cwale, lu fumana cwana kuli *swayo* italusa “sika se si felile ku Mulimu, kipeto kufelile kale.” Mi mulumeli kaufela na swailwe ka sepiso ye kuzwa kwa simuluho, kakuli ku si kaba kale mutomo wa lifasi ne lu lukiselizwe kwa kuañuliwa kwa bana. Mane lifasi li si ka kalisa kale! Oh, ha ki sepo ni yeo. Zeo li lu eza kuba baba tiile mi ba niti. Ankora kwa moyo ye sa kukiswi kafa ni kafa, kono isweli hande ku Kreste, ki sepo ya niti. “Na lu lemuhile kale kusikaba kale mutomo wa lifasi, kuli lube bana ba ka Jesu Kreste.” Oh, haki bunde ni boo! Na lata cwalo: “musebezi o felile” ni Mulimu.

¹⁰⁰ Cwale, halu boneñi ni mi balele fela Liñolo leliñwi. “Kaufela ba Izibezi pili, U ba bizize; kaufela Ba bizize, U ba beile baba lukile; kaufela Ba beile baba lukile, U ba file kanya.” Ku kalela koo kwa simuluho, Mulimu, mwa munahano wa Hae omutuna osafeli, na boni kale Keleke ya Hae ni ku i ketela mwa kuañuliwa kwa bana ka Jesu Kreste, kuli abafe Bupilo Bobusafeli kwa mafelelezo a lusika. Ha ki nto kwa bunde ni yeo! Muzwale Neville, seo si ni utwisa fela hande. Nji cwani? Oh, eehe. Kuañuliwa ka Mali a Jesu Kreste!

¹⁰¹ Cwale, mulemuhe halunze lu zwelapili. Cwale, lu ziba kuli ki maungulo- . . . Lu lemuhilwe kale ki Ngunyana. Moya o Kenile kona Liswayo la luna. *Swalele* italusa “ku sa taha zeñwi hape.” Luna ni fela swalele ya Zona cwale. Swalele ki tifo fela ya

makalelo (Oh, ha ki bunde ni boo!), ki tifo fela ya makalelo ye li buluka ni ku liswala ni kutiiswa kuli kusike kwa ba ya ka li swala. Ki swalele ya kuañuliwa kwa luna. Amen. Moya o Kenile cwale kona buniti bwa swalele ya Mulimu mwa lipilu za luna (kuswaiwa), kuañuliwa kwa bana ku lu libelezi kwa mafelelezo a musipili. Basizana ni bashimani ba Mulimu!

¹⁰² Halu apuleñi mwa Liñolo leliñwi, kapili fela, Ni ñozi fa likepe leliñwi le faa. Maroma 8:22, Ni sepa kuli ki le linde. Cwale, ha ne nibala maabani, ne Ni ñozi Mañolo nyana fa e Ni tabela kuswanisisa teñi.

..lwa ziba—kuli zebupilwe kaufela lizwelapili kutonga hamoho ni kuutwa butuku hamoho kufitela cwale.

Mi haki zeo feela, kono ni luna kasibili, babanani mitamuno ya saanda saluna ona Moya, lusweli watonga mwahali, halunze lulibelezi ka kunyolelwa hahulu kuañulwa kwaluna sina bana, kuli lulukululwe kwa mibili yaluna.

¹⁰³ Oh, kana mwa bona nji? “Pupo kaufela ya tonga,” kwa bulela Paulusi. Lika kaufela za tonga. Amu talime likota mo li ikataleza. Mutalime lipalisa mo li ikataleza kupilela; kuli puka fela i kone ku li suluhela. Mutalime likota mo li ikataleza kuswala mitai ya zona kwa kuopela kanya ya zona ku Mulimu. Mwabona? Lika kaufela, pupo kaufela, lifolofolo kaufela, linyunywani kaufela, mo ifufela kapili kusaba sila ni kuya kwahule, lika kaufela za tonga. “Mi luna kasibili,” kwa bulela Paulusi, “lwa tonga, niluna, hamoho ni zona, kakuli lu libelezi kuliululwa kwa mibili yaluna.”

¹⁰⁴ Kono cwale! Cwale! Ne li ezize myaha ye kaufela kufitela cwale! Cwale luna ni swalele ya sanda sa luna! Oh, mawi! Ki sikamañi se lunani? Luna ni bupaki bwa kuli Mulimu wa pila. Luna ni bupaki bwa kuli Mulimu una ni luna. Luna ni bupaki bwa kuli Mulimu ha si ka lu siya, kuli lu ba Hae ni kuli Yena ki wa luna, kakuli luna (mwa mibili yaluna), luna lu lwezi tabernakele Moya o Kenile wa Mulimu o huwa kuli, “Abba, Ndate.” Mi hakuna se si kona ku zwisa sani mwatani. Lu sweli hande ku Kreste.

¹⁰⁵ Cwale, likota halina zeo, ze bupilwe halina zeo, kono niteñi lu sa tonga hamoho ni zona kakuli ha lu si ka amuhela kale mutalelela wa kuañuliwa kwa luna. Kono luna ni swalele ya zona, kuli lu ngilwe kuzwa kwa lika za lifasi mi cwale lube bana ba bashimani ni basizana ba Mulimu. Ki batu ba mufuta mañi bo lu lukela kuba bona? Oh, mawi, ha lu nahana ka zeo! Munahane fateni!

¹⁰⁶ Cwale luna ni swalele, moya wa luna usweli kutonga kwa kuañuliwa ko kutezi, kono cwale luna ni swalele ya zona. Halunze lu amuhela Moya o Kenile, ki yona swalele ya kuañuliwa

kwa luna kamba puluso yetezi. Oh, haki bunde ni boo! Na lata fela cwalo. Ku lukile.

¹⁰⁷ Lu libelezi mutalelela wa kuañuliwa. Se si ka ezahala lili? Kwa zuho ya pili. Foo kona mibili yaluna ha i ta cinciwa kuzwa libupywa ze maswe zeluli ku zona ze mi lu kaba ni mubili oswana sina wa Hae Tota o kanya, “Kakuli luka Mu bona ka Mwa inezi, mi lukaba sina Yena.” Ha ka bonahala, lu ka bonahala mwa kuswana kwa Hae. Lukaba ni mubili inge wa Hae, ili mubili o kanya, mi miliko kaufela ni matata a bupilo li ka fela inge puka yenyinyani fela ni ku fuzelelwa kwahule kuli li si ke zaba teni hape.

¹⁰⁸ Mi litabernakele za lifasi ze lutonga ku zona cwale, lu libelezi yona swalele yani—yona swalele yani. . . kuli kupiliwa luli mwa mutalelela wa kona kutahe. Kono cwale mwa litabernakele za lizupa ze luna ni Sesiñwi se si lu bulelela kuli lu zuhile hahulu fo se luinzi fa. Amen. Swalele ki nto mañi? Ki tifo nyana ye buluka sika, Muzwale Dauch. Ki swalele. Cwale, hane lu sa tabela lika za lifasi, hane lu sa eza sibi ni kueza lika za lifasi, mi lu sa tokomeli za Mulimu, ne lu yambaelela kwahule ni Yena, kusina Mulimu, kusina Kreste, mwa lifasi; cwale, Mulimu a luma Moya o Kenile wa Hae mi ka zeo lu nanuzwi kuzwa mwa lika zani. Cwale luna ni swalele, ya ku ziba kuli lu zwile kwa lifu kukena mwa Bupilo. Amen!

¹⁰⁹ Kwanu ha ne Ni lika ku bonisa *se*. *Fa* kona fa matela mezalibi wa fela fela, ona fafasi fa. Cwale, Mukreste uya fahule nyana kufita foo, u yema fahalimwa lika zani kaufela. Yeo kona swalele ya puluso ya hae.

¹¹⁰ Cwale, kuli mukone kuziba ha . . . seo lipono lieza ku mina. Kacwalo ni tuse, Mulimu ka kuba muatuli waka, Ha ni si ka bata kuba ni yeñwi. Haiba kuba cwalo, Ni ka ibuluka nali kukuza, mwabona, kakuli Na bona se i eza. Sicaba ha si si ka itukiseza bulumiwa bo bucwalo, kacwalo mulukela fela kilituhela zeo, mwa bona, mukutele kwa mulaho kwanu. Kono haiba Ni kona kutaha mwa simu hape, Ni kaba mubuleli. Kono amutalime fa. Kulo fa, kukuta kwanu, fahalimu fa, mukena mwa Lihalimu fahalimu fa. Mupila fahalimu mwa libaka ona zani kwani. Mu ya kwahule kufitelela sika kaufela sa kona kunahana mutu, kufitelela lika zeo. Mi si mitisa mwa halimu mwa libaka zani fani.

¹¹¹ Kono, mwa bona, cwale luna ni, ka Moya o Kenile, swalele ya sanda sa luna kakuli lu nanuzwi kuzwa mwa lika za lifasi; mi lu zamaya hamoho ni lifasi, kono lu fahalimwa lifasi! O Muzwale Neville, Mulimu abe ni makeke mi a lumeleze kwa Keleke ya Mulimu yapila. . .

¹¹² Ha lu fita fa sibaka sa kunahana kuli keleke, ki keleke yende, kuli, “Lu lika kubapanya kwa lika za lifasi. Lu lika kuba ni sikwata sesinde sa basketball kufita se ba nani. Lu swanela

kuba ni—ni muyaho o munde. Lu lukela kuba ni papali ya bunco yende. Lu lukela kuba ni zende za *se ni sani*, kamba *sani*.” Kiñi, lukona cwani ku Li bapisa kwa bukabali ni kubenya kwa lifasi? Ha lu . . . Evangeli ha ki *sibenyiso*; Ki *simonyehiso*. Kuna ni shutano mwahala kubenya ku kumonyeha.

113 Mwabona, lu ya fela kwa ni kwa, sina ha Ni bulezi, kunga situpu se siñwi—sesiñwi kuzwa kwa mochari yeñwi ku yeñwi, kucinca ma membala ni lika ze cwalo. Kihande, ki bunde mañi bo bu liteni foo kuluna? Mi lu lika kulieza le li benya, miyaho yeminde ya lituwa zetelele, libaka zende zetuna. “Lu swanela kuba ni sesinde kufita sa ba Methodist kamba sesinde kufita ba Baptist, mi kaufela lulika kubapanya ni ba Katolika, mi luna ni lipapali za bunco ni mikiti ya malyalya ni minyaka, ni lika kaufela.”

114 Keleke haikoni kubapiswa kwa lifasi. Kana mina ni keleke ya henu mukona ku tuhelela cwani kamba kubapanya cwani zeo kwa Ndu ya malobalo yaba Masonic kamba—kamba babañwi ba sicaba sani babakona ku itabisa fela? Ao kona mayemo a bona. Musike mwa lika kuya kwa mafulo a bona.

115 Kono luna ni Sika se ba sina! Luna ni Jesu. Ha ba tahe kwanu haiba kuna ni se ba bata. Mupile ku Kreste. Luna ni Jesu. Habana kuutwa . . . habakoni kuba ni Jesu konji ha ba se batile kwanu. Mi cwale ha lufitile foo, lu ba kwahule ni libaka za Hae.

116 Usike wa lika ku benya. Monyeha! Mi haukoni kumonyeha, u swanela ku Li tuhela limonyeha ku wena. Mwabona?

117 Kokwani ye monyehanga yani, ha i monyehangi kakuli ibata kumonyeha; ya monyeha *cwalo*, kakuli kuna ni sesiñwi ku yona se si monyeha. Zeo li kuyona, ki yona ye eza cwalo, sesiñwi mwahali ku yona kona se si monyeha fela.

118 Kihande, kona mo kuinezi ka Moya o Kenile. Ha lu lukeli kuba baba ipitezi, kuba baba shutani, ni lika zeñwi kaufela, ki kutamuluha fela ni kupila bupilo bwa bumulumu ni kulumeleza fela Mulimu kupila ku wena. Zeo li ka i monyehela za Evangeli. Mwabona? Isiñi kubenya; *kubenya*, zeo kona ze tulakisa linjo hahulu cwalo, sika kaufela se si benya. Mwa ziba, kamita li kutulelanga nto yeñwi “ye benya.” Kono *kumonyeha* ki nto ye “bunolo, yende ka—ka Moya o Kenile.”

119 Cwale lu libelezi zuho yani. Kihande, cwale, kana mwa utwisisa? Muli “amen” haiba mwa utwisisa, se Ni talusa ka kubulelela kuli “swalele.” [Kopano ili, “Amen!”—Mu.] Lu se lubile . . . Lu—lu ziba kuli lu zwile kwa lifu kukena mwa Bupilo kakuli lu nanuzwi mwahalimu. Lu nanuzwi isiñi ku luna bañi, kono lu nanuzwi kwa lika za lifasi, kuli lu lata batu kaufela. Mi Mulimu wa lu lata, mane lwa ziba cwalo. Mi lu tokomela bupilo bwa luna ni kubona kuli ki Moya o Kenile, kakuli haluna taba nihanyinyani kwa lika za lifasi. Mwabona? Ki fo he cwale. Ibile fela mu lata lifasi kamba lika za lifasi, konakuli lilato la Mulimu

haliyo ku mina pili. Mwabona? Kono ibile fela u fahalimwa sani, konakuli uziba kuli una ni sanda sa hao, mwabona, u—u mwa musipili wa hao kuya kwa kuliululwa kwa hao ko ku tezi.

¹²⁰ Mi, cwale, zeo halina kutaha, mwa bona, kufitela luba pili ni . . . Pili lu lukela kubona Jesu. Mi Ha taha, kona kuli lu kaba ni mubili oswana sina mubili wa Hae mi luka eziwa ku ba sina Yena. Ku lukile.

¹²¹ Cwale, lu bona nto yeñwi yene latehile fa, kakuli Bibe le ibulezi cwalo, mi mwa Buka mo ye—ye lu liuluzi. Ki sikamañi se lu liuluzwi ku sona? Ki sika se lu kile lwa latehisa. U si ka liululwa kale, ku swanela kuba nto yeñwi ye lu liulula kukuta. Mi sanda kaufela sene lunani si—si liuluzwi kale. Konakuli neluna ni sesiñwi nako yeñwi seo lusina sona cwale, kono Ngunyana yo natezi ku to liulula. Mwabona? Ne luna ni sesiñwi sene lu latehezwi.

¹²² Cwale mulemuhe. Ki sikamañi se ne lu tamulula? Kihande, ne li filwe ku Adama kuli abe ni Bupilo Bobusafeli, haibile fela na ka ca kwa Kota nana ni Bupilo Bobusafeli. Mi lu lemuha hape kuli Adama nali . . . na—na luwa lifasi. Na li yena . . . sina mulimu yomunyinyani fa lifasi. Lifasi neli la hae. Lika kaufela ne li filwe mwa lizoho la hae, na ka eza ka lona sa na bata kueza. A libeya mabizo, mi a li biza ona cwalo, mi aeza kaufela za na bata kueza. Na li mwana Mulimu wa niti.

¹²³ Cwale, mwa nako ya litabula, Adama a isinyeza zona. Na i sinyelize yona kufa Satani. Satani abyangula tukelo ya tukuluho ya hae. Adama nali ya bunya hahulu, mi na si ka liulula liswanelo za hae kakuli na sa koni kuliulula litukelo za hae. Kono Satani, yena mane ha ki yena muña yona, kono he u ipulukezi yona, ki yena mulimu wa lifasi le. Ki Bibe le ye bulezi cwalo. U i pulukezi yona. Isiñi kakuli nali—na li—na i kungezi yona luli kaswanelo, kono u i sweli mwa puluko yahae. Cwale mwa utwa nji? Satani u luwa sani, wa si swala mwa lizoho la hae. Lifu li mwa lizoho la hae, lifasi mubu li mwa lizoho la hae, lifasi ki la hae, naha ni naha ki ya hae, u busa ni ku zamaisa lifasi kaufela ni lika kaufela mwa lifasi. Satani wa eza!

¹²⁴ Kono lu itumela ku Mulimu ha lu ba lifasi. Mwabona? Kacwalo ki fo—ki fo he cwale. Mwabona? Mi luna . . . Ha ni talusi Keleke; ka ki yena ha ya zamaisa Keleke. Yena fela u zamaisa muezezo wa lifasi. Na ize ne li la hae, mi ki yena mulimu wa lifasi ni muezezo wa lona. Jesu naize nali cwalo, mi u cwalo. “Ki yena mulimu wa lifasi le, u fufalize meeto a sicaba,” ili mulimu wa lifasi le. Yena ki Mulimu wa Lihalimu. Mi cwale ha ki la hae. Ha ki la hae mane.

¹²⁵ Kono u li lyanganisize . . . mi Adama a latehisa tukelo ya hae, ku se, lika kaufela ze lunani, Bupilo Bobusafeli mi ni kuluwa kwa lifasi. Jesu naize, mwa Mateu 5 kuli, “Mbuyoti ki ya baba ishuwa kakuli ba ka yola lifasi.” Mwabona? Cwale, haluna yona cwale.

¹²⁶ Mi, mutalime, ne si ku Adama kamba nihaiba iliñwi ya lipeu za hae. Peu ya Adama ne i latehisize lika kaufela, ni yona. Ha ki peu ya Adama. Hakuna taba ka mo lu likela ku bisa bunde lifasi le, ni mo lu likela kuezeza mandu aluna kuba amatuna ni lika zeñwi, niteñi ha ki wa siemba sa peu ya Adama. Batili, sha. Ne i si ka ya kwa peu ya Adama, batili, sha, kakuli Satani na ngile sikulukulu sa yona, kota ni muyengo. Kiniti! Kakuli Adama na i latehisize.

¹²⁷ Cwale, oh, mawi! Eeni, lika zeñata luli za kona ku bulelwa. Hani—Hani lati fela kunga nako yeñata cwale, kacwalo luna ni, ku kolobeza. Ku lukile.

¹²⁸ U na ni lona kono ha ki la hae mane, ki Satani ya li busa. Mi muña lona—muña lona—muñi ha na li latehisize, kuna ni fela nzila iliñwi yelikona ku liululwa ka yona. Cwale, zeo ki ka muliululi wa lubasi, ki yena fela yakona ku li liulula ka kutala. Cwale, kakuli, se luna ni ka kupepwa kwa bwalyanjo kwa Jesu Kreste.

¹²⁹ Cwale, Ni bata kubulela nto yeñwi fa. Taba yapili ye lubata kukutela ku yona, kikuli, haiba lu kutela mwa—mwa Testamente ya Kale mo, Ni lumela kuli Ni iñozi fokuñwi fa, Levitike 25. Mwa Levitike 25:23 ni 24, mwakona kufumana milao ya puluso, mina baba sweli kuñola. Ku liulula sika kaufela foo mutu haha. . . Mi Mulimu ha na file Isilaele za yona. . . ha na abile naha yahae ka Joshua, lusika ni lusika ni mutu kaufela na filwe mubu fo lubasi lwa hae ne lu ka pila seo—seo buswa bwa hae nebuli sona.

¹³⁰ Cwale, haiba muuna yo na mubotana mi alatehelwa ki sika kaufela ku mutu yomuñwi, yo. . . mi nzila fela ye li kona ku liululwa neli ka muliululi wa lubasi muhabo. Kono si swanela kukuta kwa mafelelezo. Muuna yo u li bulukile fela fa nako nyana. Li lukela kukutela ku muña zona wa makalelo. Kiniti! I lukela kukutela ku muña yona wa makalelo. Ki. . . haiba ne li wa mwa lusika lwa Juda, haiba neli. . . Haiba nali kwani mi se ne si tomezwi ku ndatahe, kona kuli neli sa hae, kamba mutu yomuñwi wa mwa lubasi wa fa kaufi. Kono, cwale, hakuna usili yakona kueza ka swanelo. . . Yana ka kona ku li buluka, kubuluka mapampili ateni. Na ka buluka mapampili kufitela sikoloti si lifiwa, kono cwale muuna ya swanela ha yo taha, mutu yani na. . .

¹³¹ Lubulele cwana, ka mutala, haiba Ni na ni sibiyana mi Na si latehisa, mi Ni si lekisa ku Muzwale Neville ili wa lusika loluñwi, lwa Juda, kamba mwendi na li lekisize kwa muyambaeli usili. Mi ki yena ya na li muña sona, neli sa hae, na ka taha fateni u to limanga fa mubu wani ni kucanga ze kutulwa kuyona, ni zeñwi cwalo, kono cwale yena na buluka fela mapampili ateni. “Na sa bi a hae,” wani neli ona mulao mwa Isilaele. Cwale mu bale mwa—mubale mwa Levitike 25, mi mu ka bona kuli ne bakona kuba ni zona handende; na li *buluka* fela kihona.

¹³² Kihande, cwale, ka mutala, mwana ka haiba na ka bata . . . Billy, kwa mulaho kwani, na ka bata kunga sibaka sa . . . atahe a ku to leka mubu woo. Kihande, he, haiba muzwahule kamba Muzwale Neville kamba—kamba mutu yomuñwi fela na kaba ni yona, inza ipulukezi mapampili a sibaka . . . Cwale, haiba yo neli yena muliululi waka wa lubasi, yana kaba muhaesu, nasike a ipulukela zona ni hanyinyani. Batili, sha. Na lukela ku i toboha zona, eeni, sha, mulatu wani ha u lifiwa, ha na mu fa, lubulele kuli, twenti-faifi sauzande dollars ka sibyana cwalo.

¹³³ Kihande, he, lubulele kuli, Muzwale Tony na ka taha ni kubulela kuli, “Muzwale Neville, Ni ka leka sibyana sa Muzwale Branham.” Na si ka eza cwalo.

Muzwale Neville uli, “Batili, sha, Hani lati ku si lekisa.”

“Kihande, ki sikamañi so no ka fa ka sona?”

“Likiti ze twenti-faifi.”

“Kihande, Nika—Nika kufa likiti ze mashumi amalalu ka ze ketalizoho. Ni ka mifa za *kuli-ni-kuli*.”

“Hanina taba ka so bata. Hani lati ku si lekisa, Ni ka si buluka.”

¹³⁴ Kono Billy Paul ukona kutaha ni kubulela kuli, “Ni bata lifa la ndate, ki ye twenti-faifi sauzande ya hao.” Nana ni ku li tuhela fela. Yeo ki niti, kakuli wani neli mulao.

¹³⁵ Oh, Haleluya! Hmm! Ni sepa kuli mina Bakreste mwa bona cwalo. Luna lu lizwai la lifasi. Mulimu na file se kwa bana ba Hae. Na lufile mata fahalimwa libupiwa kaufela, lifolofolo kaufela, bupilo kai ni kai. Kono Adama, ndata luna, ali toboseza ku Satani. Kono ki kai ko liwela? Li kutela ku Muña lona luli, Mulimu ya Na li ezize. Amen!

¹³⁶ Ki kabakaleo Joani naize “alila hahulu,” kakuli nekusina mutu yana fumanwi kuswanela ku li liulula. Muuna yani ulukela kuba ya swanela. Joani ali, “Na lila hahulu kakuli nekusina neba yomukana wa kunga Buka kamba ku Italima kamba kumamulula maswayo a yona.” Na ize, “Isiñi . . . Hakuna mutu mwa Lihalimu, hakuna mutu mwa lifasi, hakuna mutu mwatasi a lifasi, kai kamba kai.”

¹³⁷ “Hakuna mutu.” Cwale, na si ka shwaula Mangeloi. Muhupule, lifasi le ne li si ka fiwa kwa Mangeloi. Ki sanda sa mutu. Gabriele na swanela, luli; usili fela na swanela, Mikaele hakulata nali na kaba yena. Isiñi kuli . . . Hakulata na lukela kueza cwalo. Kono nekusina mutu ya na swanela. Mwabona? Mi Joani alila hahulu.

¹³⁸ Yomuñwi naize, “Kakuli na ipumani kuli na sa swaneli.” Zeo ha li cwalo. Muuna nali mwatasa susumezo ya Moya o Kenile, na si ke a eza mafosisa a cwalo. Kono nali—nali . . . nali—nali ya—nali wa . . . Ne si fela anosi yana sa swaneli, na si ka fumana ya swanela.

139 Kacwalo ona fani fela ali, “Yomuhulu a taha kamba lingeloi le li mata, lali, ‘Usike wa lila, kakuli Tau ya lusika lwa Juda,’” (Amen!) “‘Mubisi wa Davida, U komile!’” Amen! “‘U komile,’” ka manzwi amañwi. “‘Wa swanela kunga Buka!’” Amen.

140 Muhupule, na si ka Mu bona haisi ka nako ye. Kiñi? Na inzi fa . . . aina fa Lubona mwahali mwani, Lubona lwa Mulimu. Nali mwahala sibaka se sikenile. Na si ka Mu bona ka nako ye, kacwalo Joani na kulubela kubona—kubona Tau ha i taha, kono abona Ngunyana!

141 Ki fo he cwale, mizwale. Ki ka kuishuwa, kufitela mwa bunde, ka Moya o Kenile ha lu koma. Isiñi bupahamo bobuñwi bobutuna, kono ki yakona kuikokobeza ili yena ki yena yakona ku koma. Mutu ya kona ku lahakiwa kafa ni kafa kono niteñi abe mutanga wa Kreste, yoo ki yena mukomi.

142 Cwale, na ize, “U komile. Mi Wa swanela kunga Buka ni ku i apula ni ku mamulula maswayo a yona.”

143 Cwale, lu ka lemuha kasamulaho nyana, mwendi isiñi kacenu, kono ki ku ze iputezi mwa maswayo asupa ani, sene a ezize.

144 Cwale, ha lungeni hanyinyani fa “kuliulula.” Lusika—lusika ba kale mutu yo asika . . . lukulula kale, taba yapili, nana ni kuba ya swanela, na lukela kuba mutu yeli yena luli. Kacwalo se ne sa petahala fani Jesu Kreste ha to pepwa, ili kupepwa kwa mwalyanjo, kakuli Nali yena Mulimu. Nali yena Mulimu Kasibili yana bupile mutu, Nali Mulimu mwa nama ya butu. Nana ni kuba ya swanela; mi Mali a mwalyanjo a Jesu Kreste a Mu eza kuba ya swanela. Cwale, lu fumana kuli, haiba mubata kuya kwa Mañolo a yona, a Pitrosi Wapili 1:18 kuisa fa 20, haiba musweli kuñola Mañolo. Nana ni kuba ya swanela. Mi Nali cwalo, kakuli Na lwezi mufuta wa mutu. A to ba mutu, Mulimu na ti lo ba alimuñwi wa luna. Mi fani lu fumana cwale siemba sesinde sa Mulimu Jehova a ezwa nama ni kupila mwahala luna sina Ya swanela. Amen.

145 “A koma.” Mulimu na ngile sibupeho sa mubili wa nama, Na tile mwa lifasi, na pepilwe ali mbututu yomunyinyani mi ataha mwahala luna. Mi ka Mali a Hae a kenile A koma.

146 Cwale, mwa Testamente ya Kale, mutu mwa na bulelela za hae fela, ki sikamañi sa na eza? Na ngile yomuhulu, babahulu babalishumi, ni kuya kwa munyako ku yo zibahalisa sa na sweli kueza, ku yo lamulela sa na latehisize, ni kubonisa yo nali yena, mi afa bupaki. Lu fumana likande lelinde fa (Sina hane Ni na ni kapampili nyana kaka ñozwi fa kwa . . . kuli Ni si ke na ka libala, ka kuba ya ikalelwa kakusasana cwana.) kaza Ruti, yena muyemeli ni Boazi. Lu fitile ku zona ha ki kale hahulu. Ni bata kuli mulemuhe likalulo zetalu cwale za pumulo yee.

147 Ni bata kuli mulemuhe pumulo ya Keleke, ki nto yeswana fela. Cwale, mutalime. Sibaka sapili se lu fumana, sina kaufela

luna ha lufitile mwa kutazo yani, *Muliululi Wa Lubasi*, Mulimu na ezizwe nama kuli abe yena Muliululi. Ne li Yena mo mwa kauhanyo ya 5—mwa kauhanyo ya 5. Ali:

Mi nekusina mutu mwa lihalimu, kamba mwa lifasi, kamba mwatasa lifasi, ya na kona kuapla buka, kamba neba ku italima.

Mi Na lila hahulu, kakuli nekusina mutu yana fumanwi kuswanela kuapula Buka kamba ku ibala—kamba ku bala buka, nihaiba ku italima.

Mi alimuñwi wa babahulu ani bulelela ali, Usike wa lila: bona, Tau ya lusika lwa Juda, Mubisi wa Davida, u komile kuli a a pule buka, ni kutamulula maswayo a yona.

Ki Yena, ki Yena Yo lu libelezi.

148 Mulemuhe ka mo Ruti...kamo...ni Naomi, Boazi ki siswaniso fela se si petehile. Ka mo Naomi mwa nako ya lukupwe a zwa mwa keleke, azwa mwa naha, aya kwa naha ya Mamoabi ku yo pila kwani ni ku yo yambalea teñi kwani. A latehisa kaufela sa na luwile. Mi ha na ile, muuna hae, Elimeleki, a shwa ha ba yo fita kwani, kacwalo asiya buswa bwa hae kuli bu be bwa usili. Mi cwale ha lu taha...ha ka kuta, uka tisa mbelwa yomunde wa mu Moabi hamoho ni yena. Mi cwale Boazi ha bona mbelwa yo, ali mufuta wa Kreste, awa ka yena. Mi amu lata. Kacwalo, nana ni ku liulula, nzila fela yana konile kuba ni yena sina mufumahali wa hae na lukela kuliulula muzwale wa hae, Elimeleki, za na latehezwi.

149 Mi kacwalo ki ha kupa muzwale wa hae haiba uka i liulula, yomuñwi yali fakaufi hahulu ni musali, mi apalelwa kupeta cwalo. Kacwalo a shetumuka ku yo bonisa mutala o petehile wa milao ya Mulimu. Aya fa minyako mi a laha likatulo la hae, mi ali, “Ha ku zibahale ka lizazi le kuli Ni liuluzi kale za na nani Naomi kaufela. Kaufela za nani, kaufela zeo Elimeleki (munyana ka) alatehezwi, Kina muhabo yena wa lubasi cwale, mi ki Na ya kona ku li liulula kacwalo Ni tile ku to ikungela zona. Haiba kuna ni muuna mwahali mo yakona kubonisa libaka, kamba mutu kaufela yali bukaufi kufita na, ha zibahale.” Mi mutu kaufela kwa kuza kuli tuu. Kacwalo a tubula likatulo la hae ni ku li laha ku ba bupaki, “Ni lamulezi kaufela zeo muzwale waluna, Elimeleki, na nani.” Kiñi? Nali muliululi wa lubasi. Na li muliululi wa lubasi. Oh, ha ki bunde ni boo! Ki likande kwa bunde luli.

150 Mi cwale, nako ye kaufela, Ruti na pumula ni kulibelela kubona mo ne li ka tela. Mi kipeto a kuta, hakuna ya na konile kufa bupaki bo bu li lwanisa. Na kutile ku to nga Naomi...ni kunga Ruti, musizana yomunde wa mu Moabi, mi ba nyalana ni kupila fa liluwo le. Ha ki likande kwa bunde ni leo!

151 Ki zeo fo likalulo zetalu za Ruti. Ruti—Ruti, wa *keta*; na keta kamba uka ba ni kuiketela kamba nee, kuli akutele kwa naha ya habo (inge fela sina keleke). Ruti, *wasebeza*; ha na i lo bubula. Ruti, *wapumula*; kona za sweli kueza Ruti cwale (yeo ki Keleke). Cwale Ruti, ufiwa *mupuzo*; cwale foo kona, kamba, nto yetatama ye ezahala (ki mupuzo wa Keleke).

152 Cwale, ha lukoni . . . Ha ni na nako, kakuli muna ni sebelezo ya kolobezo mi seli mizuzu ye fiftini kasamulaho wa ilebene cwale. Kono mwendi lu ka talima taba ye Sunda yetaha kamba neba Sunda yeñwi kaufela kwapili, haiba Mulena alata. Mi Ni tabela kuñola taba ye fa, kubonisa manaka a sebene a ni meto a sebene, ni ona maswayo a sebene ani, bulumiwa bo busebene, mangeloi a sebene a keleke, linaleli ze sebene, se- . . . Oh, bona babalikani fela bao . . .

153 Mi ona fa kona fo ku tamahana lika hamoho. Eeni, sha. “Nana ni kuba ya swanela,” kacwalo Jesu wa swanela. Fa kukuta kwa Hae lu ka ikola mutalelela kaufela wa limbuyoti. Baba ishuwile ba ka yola lifasi. Baana ni basali ba ka kuta: bana ba bashimani ni basizana ba Mulimu. Mi Mileniamu yetezi i ka kalisa. Ha ki taba kwa bunde ni yeo!

154 Mi Lingeloi le li mata ka linzwi lelituna, la bulela lali, “Kimañi ya swanela? Ki mañi yakona kueza cwalo?”

155 Mi cwale yomuhulu ali, “Usike wa lila, kakuli Tau ya lusika lwa Juda, Wa swanela mi U komile.”

156 “Mi ki Ha nga Buka ni kuapula Buka ni ku mamulula maswayo a yona.” Na si ka bulela sene si ezahalile ku yona. Ha lu ka fita fa maswayo a supa ani ha sa kwaluhile mwa Bibele, mutokomele se singa sibaka. Ona mo mwa Buka ya maswayo a sebene mo lu kona cwale, kona mo ku iputezi kunut ya limbuyoti za puloso kaufela za Mulimu. Muhupule, Ki yena Ngunyana, Ki yena Anosi fela ya na li liuluzi. Mi, muhupule, li swailwe kwa mulaho wa Buka, ha li si ka ñolwa mwahali. Li swailwe kwande ayona, mi ha li si ka ñolwa mwahali. Mi Nali yena fela ya Na kona ku i apula mane yona Buka yani kamba kupatulula Buka kamba ku patulula maswayo, yena fela Anosi ya na kona kueza cwalo.

157 Kacwalo ye ki nto iliñwi, ba kona ku kanana ka taba ye fa, ka seo ili sona, kono ki Yena ya Li toloka ka bumulimu. Kono kwa mulaho kwanu hakuna mutu yakona kueza cwalo. Ki za Hae ni za Hae fela anosi, mi ki Yena Anosi yakona ku patulula likunutu zeo hande. Mi mutalime ka mo siemba sateni mo sitahela mwa puloso, ka mo Keleke ne i liululezwi ni se si kaba puloso yateni.

158 Oh, ha lu Mu lateñi fela ka lipilu za luna kaufela, kueza kaufela ze lukona.

159 Muñoli yomuñwi na ñola likande. (Ni si ka kwala kale fela ni ku sikululela sebelezo ku Muzwale Neville.) Kana mwa ikola Sinulo? Oh, Na i lata fela cwalo. Luna ni fela litimana zetalu

za yona kakusasana cwana, kono lu ka linga hape. Mulemuhe. Luna fela . . .

160 Muñoli na ñola buka ka za musizana yana lika kufumana Mulimu.

161 Mi linako zeñata hahulu ze lu batanga Mulimu ni kulibelela Mulimu, mi haiba Mulimu nali fela kai ni kai mi wena . . . Nana ni nto yetuna . . . Kihande, haiba Nana ni lubona lolutuna lolu beilwe fa kokuñwi, mañi ni mañi na ka lumela ku Mulimu kanti. Haiba Mulimu na ka aina fa lubona lolutuna fa kokuñwi; kuli, “U inzi mwa muleneñi omuñwi wo mi ki Yo fa. Yo ki Mulimu mi muya ku Yena. Wa kona fela” [Muzwale Branham uliza minwana ya hae—Mu.] “kusikulula fela ona *cwalo*,” kiñi, mañi ni mañi na ka Mu lumela. Kona kuli tumelo ikona kuba yesina tuso. Halukoni kuba ni tumelo nihaiba yekana he, mwa bona, zeo likona kuba ona cwalo. Zeo likaba mwa Mileniamu, kono cwale U sweli wa biza ni kulika kufumana bani baba . . . Li bonahala kuba kunutu ni ku unufala, mi, ha mu sa ziba mwa ku liezeza. Kono ka tumelo lwa Li lumela! Lwa lumela. Kona libaka lateni leo. Mwa utwisisa zeo, Muzwale Elmer? Mwabona? Kuli . . .

162 Cwale, haiba Mulimu aina fa lubona. Mi ali, “Kiñi, ki Yo . . . ki Yani fani . . . kiyo fa Mulimu. U pila kwa sibaka sesiñwi, lu ka ya ona kafoo.” Ni kubulela kuli, “Muñaka Sha, Mulimu, uka eza se na?”

“Eeni, Ni ka si eza.” “Psst!” Mi si ka ezwa, mwabona. “Kihande, eni sha, yani ki Mulimu. Mwabona? Mawi, lwa bona cwalo.” Kona kuli haku koni kuba tuso . . . tumelo ikona kutokwa mata. Tumelo haina tuso haiba wa ziba hande.

163 Kucwani haiba mutu mwa lifasi le ki Mukreste? Kucwani haiba mutu kaufela neli Mukeste ya—ya tezi Moya? Kiñi, halukoni kutokwa tumelo ni hanyinyani, halukoni kutokwa tumelo ni hanyinyani. Mi tumelo kona—ki yona nto luli ye lupilisizwe ka yona, ki tumelo. Mi kona libaka babañwi ha ba lukela ku sa lumelelana ni Lona, kuli lukone kuba ni tumelo. Kana mwa utwisisa cwale? Mu lukela kuba ni siemba sesiñwi. Mwabona? Mu lukela kuba ni musali ya maswe kuli yomunde akone kuyema hande kusina nyazo. Mwabona? Ku lukela kuba buhata kuli kube Niti yetezi ni kuli Ibonahale kubenya hande. Haiba kaufela ne li kaba za Niti, ne i kaba fela nto yefumanaha kai ni kai, mwabona. Mwabona? Kono, mwa bona, ki nto yeñwi ya silena, ki nto ya niti, haiba Niti ni tumelo ni zeñwi cwalo. Cwale, ki luna bao foo.

164 Cwale, lu swanela kuba ni matata ao ni masulungundu. Kona mo li zamaela cwalo. Mu lukela kuba ni mazazi amande kuli mukone kuikola . . . kamba mazazi a maswe kuli muikole amande. Mu lukela kuba ni butuku nyana kuli muikole buiketo bwa mubili. Mwabona? Mi muna ni kuba ni misindi ya mina kuli muikole kuba fahalimwa malundu. Mi kacwalo he leliñwi

la mazazi a kaufela likaba fahalimwa lilundu, ikaba fela bunde, ikaba fela Mulimu, ikaba fela nyakalalo, fela . . . ku kaba—ku kaba ni tabo ye sa feli. Kono haisi ka nako yeo, mwabona, lu swanela kuba ni matata a ni masulungundu.

¹⁶⁵ Cwale, mañi ni mañi ya utwisisa ali, “Amen.” [Kopano ili, “Amen.”—Mu.]

¹⁶⁶ Musizana yo nasweli kubulela kuli na lika kufumana Mulimu kai ni kai kwa na ya. Na ya kwa keleke *ye* ni keleke *yani*, ni zeo kaufela, kono na si ka I fumana. Mi ha yo li fumana, inza ya mwa nzila, nekuna ni Muuna muhulu yomusisani ya na zamaya mwa nzila, Mutangana fela yomusisani, mi Nana ni muyaho omutuna kwa mukokoto wa hae. Na sweli kuzamaya a shetumuka mwa mukwakwa. Mi ki hali, “Oh, Muuna yomunde!” Ki hali, “Mawi, yeo kona nto yende ku Wena,” ali, “kono Una—Una—Una ni sindunduli tuna fa mukokoto wa Hao,” Ki ha bulela, “kuli ka Ku luba.”

Ki hali, “Batili halina ku Ni luba,” ali, “kakuli Kina Licwe fo i yahilwe.” Yani ki Yena.

Ha lu lapeleñi:

¹⁶⁷ O Licwe la Myaha-myaha, Ni tabile hahulu kufumaneha fela mwa muyaho wa milapelo, ka kuziba kuli lu yendamezi fa Licwe leo. Oh, Na ize, ki Licwe, “Ha li shutani ni pampili.” Mi sina Licwe ha li kala kuzamaya hande ka bunolo cwalo, milangu yende ikala kulila mwahali. O Licwe la Myaha myaha, lu pate mwa sishemo sa Hao. Lu lwale mwa musipili mi nuka ya bupilo yeo lipilu zaluna li ka tala tabo mi milumbeko ikana i liziwa ku Wena mwa musipili kaufela.

¹⁶⁸ Lwa itumela ku Wena ka poto ye kakusasana cwana ya Moya o Kenile mwa Linzwi, ha Li taha mwahali ni kueza Linzwi kuba la niti luli ku luna. Lu swalele lifoso za luna ni ze luezize kaufela kamba kubulela ze fosahalile, lu swalele ka zona. Lu tuse kuba Bakreste babande, Mulimu Ndate. Lu lapela kuli sishemo sa Hao si ine ku luna.

¹⁶⁹ Na kupa, Mulena, haiba ki tato ya Hao, kuli lukute hape cwanoñu ni—ni kufeza likauhanyo ze mo ni kunga maswayo asupa aa. Lu—lu libelezi nako yani, Mulena, kuli ha U—U ka—U ka lu lumeleza kueza cwalo. Mi, Ndate, ona mwa keleke ya luna ye nyinyani mo lu lapela kuli U lu alabe zona, kuli lukone ku utwisisa lika zetuna za Mulimu zee. Isiñi kuli za lu swanela, Mulena, kono lipilu za luna ze lapile li lota mali ka kabakala zona. Lu lapela kuli U li pete.

¹⁷⁰ Lu lapelela Muzwale wa luna Neville, Mulena, mulisana wa luna ya sephala ya lumilwe ki Mulimu. Lu mu lapelela kuli U mu tuse ni ku mu fuyola, yena mufumahali wa hae yomunde, nto yende yenyinyani, ni bana ba hae babanyinyani.

171 Lu lapelela basepahali kaufela ni madikoni ni mutu kaufela ya tahanga kwa keleke ye. Isifi ba luna fela, kono ni ku babañwi ni bao kaufela ba ba biza fa Libizo la Hao. Ni lapelela balikani baka baba zwelela kai ni kai mwa naha, ki temuso fela iliñwi ki bao bafitile. Ndate, Ni—Ni itumela fela ku Wena ka se.

172 Ni lapela kuli U akufise lizazi leo Jesu aka taha mi kaufela lu ha lu ka kopana hamoho ko kusike kwaba musihali kamba busih, kamba nihaiba kuba nako, kaufela i ka kenelela mwa Kuyakuile ni ko lukona kuba kaufela hamoho kuyakuile. Lumeleza cwalo, Mulena.

173 Mi haiba kuna ni babañwi mo kakusasana cwana, Mulena, baba sa Ku zibi kuba Mupulusi wa bona, ha ba tabele ku itwaeza Ngunyana yo Yasweli likunutu ze sebene mwa Lizoho la Hae. Mulimu, ha lubeñi baba Mu ziba hande kuli mwa nako yetaha ha lu ta bona maswayo ani inge akwaluha konakuli lwakona kubona sa bulela Mulimu ku luna ka sona. Lwa li kupa kwa kanya ya Mulimu, ka Libizo la Mwana Hae, Jesu Kreste.

Mi halunze lu inamisize litoho za luna:


174 Kana kuna ni ya ka bulela kuli, “U ni hupule, Muzwale Branham, ha nze u lapela, mi Ni tabela kuhupulwa mwa tapelo?” Mulimu ami fuyole. Mulimu ami fuyole. Mi Mulimu aku fuyole, ni wena, ni wena. Eeni. Mulimu abe yomunde ku mina. Eeni. Mwendi ki mazoho ma twelufu amabeli, kamba kufitelela cwalo, ananuhezi mwahalimu.

175 O Mulena, Wa bona mazoho abona, U ziba takazo yabona. U ziba ze li mwa lipilu zabona, Na ha ni zibi. Ni lapela kuli U ba patululele, Mulena, bunde bwa Hao ni sishemo sa Hao. Ba swalele ka seo kaufela sili sona. Haiba ki matuku, Mulena, folisa mibili ya bona ni ku babisa hande. Eza Ndate, fo tozo ya Moya o Kenile hanze ili mwa mukopano, fahalimwa kopano cwale. Mi cwale Mulimu yomutuna wa Lihalimu atoze luli ka butuna kuli Afuyole mutu ni mutu yaliteni Fapila Kubateni kwa hae, kuli lukone kuzwa mo kakusasana cwana, luli, “Kana lipilu zaluna ne li sa cisi mwahala luna?” Lumeleza cwalo, Mulena.

176 Cwale, Na fokola ni kukatala, linzwi laka li silezi, mi Na—Na lapela fela, Mulimu, kuli anife mata. Kikuli U ka ni tusa? Kana Uka ni tiisa na? Tama sitombo nyana sani fani, Mulena. Kikuli Uka eza cwalo? Lumeleza kuli Oli Yekenile ya Mulimu izamaye mwateni, ni kukena fa sitombo sifi kaufela, Mulena, kai ni kai ku mutu ni ni mutu. Lu bata kupilela, Mulena, kwa likute la Hao ni kanya ya Hao. Lumeleza cwalo. Mi ufolise bakuli kaufela ni baba imezwi. Mi—mi uikungele kanya ku Wena, Mulena, kakuli lu lemuhwa kuli hakuna kuba tiyeho cwale. . . haluna kubanga ni mikopano ye hape; i kabe ifelile, ikaba ya kale.

177 Cwale, Ndate, fuyola, cwale, lu kupa kaufela hamoho ka Libizo la Jesu Kreste.

¹⁷⁸ Mi he, Ndate, lu kupa hape kuli U hupule baba ka kolobezwa kakusasana cwana ka Libizo la Mulena Jesu, kuli U ba fe kolobezo ya Moya o Kenile, kanya yetuna ni likute. Lumeleza cwalo, Ndate. Lu li beya kaufela zona ku Wena cwale.

¹⁷⁹ Mi, Ndate, ni zeo kaufela, Na icumbela mwateni nina kasibili. Usike wa ni libala, Mulena, uni tuse fela cwale. Na lapela ka Libizo la Jesu. Amen. 

SINULO, KAUHANYO YABU KETALIZOHO KALULO YA I LOZ61-0611

(Revelation, Chapter Five Part I)

MUKOLOKO WAZA SINULO YA JESU KRESTE

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda kakusasana, Mbuwana 11, 1961, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org